

Washington Qhov Khoos Kas Pab Txhawb Nqa Fab Kev Ua Qoob Loo FAQ (Frequently Asked Questions, Cov Nqe Lus Nquag Nug Txog)

Cov Nqe Lus Nug Thuaj Pais

- 1. Lub hom phiaj ntawm ASP (Agriculture Support Program, Khoos Kas Pab Txhawb Nqa Fab Kev Ua Qoob Loo) yog dab tsi?**

Qhov Khoos Kas ASP pab txhawb rau cov neeg ua qoob loo thiab cov neeg thauj koom qoob loo uas tau them cov nqi tshaj los ntawm koj lub chaw muag roj tsheb los sis lub khw muag koom uas ntsig txog rau Qhov Khoos Kas Kev Txwv thiab Nqis Peev Nyiaj Txig (Cap-and-Invest) rau kev yuav roj tsheb, tab sis raug siv roj tsheb rau lub hom phiaj raug zam raws li txoj cai [RCW \(Revised Code of Washington, Txoj Cai Uas Hloov Kho Siab Hauv Washington\) 70A.65.080\(7\)\(e\)](#). Ob hom kev siv roj tsheb uas raug zam:

- A. Cov roj tsheb uas raug siv rau kev ua qoob loo, los ntawm tus neeg siv roj tsheb rau daim teb.
- B. Cov roj tsheb raug siv rau kev thauj koom qoob loo ntawm tsoom fwv cov kev tsheb loj.

- 2. Cov nyiaj no los ntawm qhov twg los?**

Xyoo 2023-2024 WA Feem Saib Xyuas Txoj Cai Hauv Xeev tau pom zoo pob nyiaj npaj siv ntxiv rau xyoo 2024, [ESSB \(Engrossed Substitute Senate Bill, Daim Ntawv Sau Kev Cai Hloov Chaw Kev Ua Hauj Lwm Hauv Xab Phas Uas Raug Tsim Ua\) 5950](#). Pob nyiaj npaj siv no raug faib los ntawm Txoj Cai Yuav Tau Tswj Xyuas Ib Puag Ncig (Climate Commitment Act) mus rau Department of Licensing (DOL). DOL tes hauj lwm yog tswj xyuas thiab faib cov nyiaj no mus raws li qhov khoos kas ASP.

- 3. Lub sij hawm raug duav nqi los ntawm qhov khoos kas ASP yog thaum twg?**

Feem saib xyuas txoj cai tau pom zoo theem them nyiaj raws li qhov kev siv roj tsheb hauv ib lub xyoos puag ncig. Qhov khoos kas ASP duav nqi rau tej kev yuav roj tsheb rau thaum Lub Ib Hlis Tim 1, 2023 thiab Lub Kaum Ob Hlis Ntuj Tim 31, 2024.

- 4. Puas yog kuv thov tau rau xyoo 2023 thiab 2024 tib si?**

Yog! Koj thov tau rau cov nyiaj pab txhawb xyoo 2023 thiab 2024. Koj yuav tsum nyias xa nyias daim ntawv thov rau txhua tej xyoo.

- 5. Qhov khoos kas no yuav muaj mus ntev npaum li cas?**

Qhov khoos kas no yuav muaj mus kom txog thaum pob nyiaj tag. Muaj nyiaj ntau txog \$28,500,000 los pab rau cov neeg los ntawm qhov khoos kas no.

Cov Nqe Lus Nug Uas Tsim Nyog

1. Leej twg thiaj li tsim nyog?

Cov neeg ua qoob loo thiab cov neeg thauj koom qoob loo uas tau them cov nqi tshaj los ntawm koj lub chaw muag roj tsheb los sis lub khw muag koom uas ntsig txog rau Qhov Khoos Kas Nqis Peev Nyiaj Txiaj rau kev yuav roj tsheb rau lub hom phiaj raug zam raws li txoj cai [RCW 70A.65.080\(7\)\(e\)](#).

2. Tus neeg siv roj tsheb rau daim teb uas tsim nyog yog tus twg?

[RCW 82.08.865\(2\)\(e\)](#) lub ntsiab lus “tus neeg siv roj tsheb rau daim teb” txhais tau tias:

(1) ib tug neeg ua qoob loo; los sis (2) tus neeg uas muab kev pab rau fab kev cog qoob loo rau cov neeg ua qoob loo.

A. **Tus neeg ua qoob loo txhais tau tias:** Yog ib tug neeg uas tau koom cog qoob loo, yug tsiaj, thiab tsim ua ib yam qoob loo muag; thiab qhov cog, qhov yug, los sis qhov tsim ua zib ntab muag los sis ua kom muaj ntab los ntsauv paj qoob loo los ntawm tus neeg yug ntab uas tsim nyog.

B. **Tej Kev Cog Qoob Loo Txhais Tau Tias:** Yog ib tug neeg muab kev pab rau cov neeg ua qoob loo xws li: kev qhia txog kev npaj av, kev qhia txog kev cog qoob loo, thiab kev qhia txog kev sau qoob loo.

C. “Daim teb” los sis “Tus Neeg Siv Roj Tsheb Rau Daim Teb” **tsis** suav nrog:

- Kev cog, kev yug, los sis kev tsim ua rau yus tus kheej noj
- Ib tug neeg uas ua tsev yug tsiaj, tsev tua tsiaj, los sis tsev ntim koom uas muag ib hom tshiaj los sis tej nqaij tsiaj uas tau los ntawm tej tsiaj ntawv.
- Txoj lag luam ua, cog, los sis tu tej xyoob ntoo.
- Tej koom qoob loo xas, tej xas uas siv muaj txiaj ntsig tau, los sis tej koom uas muaj xas xyaw nrog.

3. Ib tug neeg thauj koom qoob loo uas tsim nyog yog tus twg?

Cov neeg los sis cov chaw uas tau ua los sis tau thauj koom qoob loo mus muag raws tsoom fwv cov kev tsheb loj.

4. Ib yam koom qoob loo yog dab tsi?

Ib yam koom tsim los ntawm qoob loo los sis kev tu tsiaj, kev cog, thiab kev tsim noob neej tsiaj txhu.

A. “Tej koom qoob loo” muaj xam nrog rau, tab sis tsis txwv rau:

- Ib yam koom tsim ua los ntawm kev ua qoob loo
- Kev cog noob qoob loo
- Kev tu cua nab

Washington Qhov Khoos Kas Pab Txhawb Fab Kev Ua Qoob Loo FAQ

Cov Nqe Lus Nug Uas Tsim Nyog

- Kev cog txiv hmab
 - Kev yug tsiaj nruab deg raws li muaj lus ntsiab lus rau hauv txoj cai [RCW 15.85.020](#)
 - Kev cog cov ntoo Christmas
 - Kev hloov txauv cog hom ntoo tawv raws li muaj lub ntsiab lus rau hauv txoj cai [RCW 84.33.035](#)
 - Tiaj nyom
 - Txhua cov tsiaj muaj xam nrog rau, tab sis tsis txwv rau, cov tsiaj uas yug rau hauv tus kheej lub pas dej raws li muaj lub ntsiab lus rau hauv txoj cai [RCW 15.85.020](#)
 - Noog
 - Kab
 - Tej kuab uas tau los ntawm ib hom tsiaj zoo li ntawd suav nrog tej zib ntab tib si
- B. “Tej koom qoob loo” **uas tsis** raug suav nrog muaj xws li:
- Tej koom qoob loo xas, tej xas uas siv muaj txiaj ntsig tau, los sis tej koom uas muaj xas xyaw nrog.
 - Tej tsiaj uas muaj lub ntsiab lus tias yog tej tsiaj tu hauv tsev raws li txoj cai [RCW 16.70.020](#).
 - Ib yam koom “raug tsim hauv tsev tsim koom” mas tsis suav tias yog tej koom qoob loo. “Kev tsim koom” muaj lub ntsiab lus raws li txoj cai [RCW 82.04.120](#) thiab piav qhia tshwj xeeb txog ib tes hauj lwm uas tsim ua “ib yam tshiab, sib txawv los sis yam muaj txiaj ntsig uas yog tus kheej ntiag tug yam koom uas tuav tau ntawm tes [...] cia muag los sis siv ua lag luam los sis tsim siv ua lag luam.” Tej ua piv txwv muaj xam nrog rau cov me nyuam qos ntug hauv paus, qe, cov taum, los sis hlais tus ntses ua tej daim nqaij ntses.

5. Hom roj tsheb uas tsim nyog yog hom dab tsi?

Roj tsheb (roj liab) thiab roj tshwj xeeb (roj ntsuab, roj av, roj kerosene, thiab lwm yam roj) uas tus neeg ua teb siv rau kev ua qoob loo nkaus xwb.

- A. Hom roj xws li nram qab no mas tsim nyog rau cov nyiaj them ntawm qhov khoos kas ASP:
- Roj liab
 - Roj ntsuab
 - Roj av
 - Roj cua uas tsim ua los ntawm tej koom qoob loo
 - Roj kerosene
 - Roj Biodiesel

Washington Qhov Khoos Kas Pab Txhawb Fab Kev Ua Qoob Loo FAQ

Cov Nqe Lus Nug Uas Tsim Nyog

Nco tseg: Yog tias koj lub chaw muag roj tsheb los sis lub khw muag roj tsis xam nqi tshaj ntxiv rau Qhov Khoos Kas Nqis Peev Nyiaj Txiaj rau thaum lub sij hawm koj yuav roj, ces koj yuav tsis tsim nyog rau qhov khoos kas ASP. Yog tias tsuas muaj kev xam nqi tshaj ntxiv rau ntawm cov roj uas koj yuav ntawv, koj tseem tsim nyog thov tau cov gallons roj uas muaj cov nqi xam tshaj ntawd thiab.

6. **Kuv yuav xam kuv cov gallons roj li cas es thiaj li tsim nyog raug pab?**

Saib koj cov ntaub ntawv yuav roj thiab siv rau kev tsim ua qoob loo los sis kev thauj koom qoob loo rau thaum Lub Ib Hlis Tim 1, 2023 thiab Lub Kaum Ob Hlis Tim 31, 2024. Ntxiv rau tag nrho cov gallons roj uas koj tau siv. Koj yuav tau hais qhia txog qhov koj siv roj no rau hauv koj daim ntawv thov. Koj yuav tau hais qhia yog tias koj tau yuav thiab tau siv rau tag nrho ob qho kev tsim koom qoob loo thiab kev thauj koom qoob loo. Koj yuav tau nyias hais qhia nyias tag nrho tej ntawd rau txhua hom. Pub koj hais qhia cov gallons roj uas txwm thoob mus txog rau qhov ze tshaj plaws rau ib puas thoob.

7. **Kuv puas tsim nyog yog tias kuv lub chaw muag roj los sis lub khw muag roj tsis xam cov nqi them ntxiv uas ntsig txog rau Qhov Kev Nqis Peev Nyiaj Txiaj rau tag nrho los sis ib feem ntawm qhov kuv yuav roj?**

Yog tias koj lub chaw muag roj tsheb los sis lub khw muag roj tsis xam nqi tshaj ntxi rau Qhov Khoos Kas Nqis Peev Nyiaj Txiaj rau thaum lub sij hawm koj yuav roj, ces koj yuav tsim nyog rau ib qho Kev Them Nyiaj Pab Txhawb Rau Fab Kev Ua Qoob Loo.

Yog tias tsuas muaj kev xam nqi tshaj ntxiv rau ntawm cov roj uas koj yuav ntawd, koj tseem tsim nyog thov tau cov gallons roj uas muaj cov nqi xam tshaj ntawd thiab. Muab cov gallons roj ntawd tshem tawm kom txhob muab tso nrog cov nqi xam tshaj los ntawm tag nrho koj cov nqi.

8. **Kuv puas tsim nyog yog tias kuv tsis nyob rau hauv Xeev Washington tab sis tau yuav roj rau hauv Washington?**

Tsim nyog. Yog tias koj tau yuav roj rau hauv Xeev Washington los tsim ua qoob loo los sis thauj koom qoob loo thiab raug raws li txhua cov quav cai tsim nyog lawm, ces koj yuav tsim nyog rau qhov khoos kas ASP. Koj tsis tas yog ib tug neeg nyob rau hauv Xeev Washington es thiaj li yuav tsim nyog.

9. **Qhov kev lees yus tus kheej ntawd txhais tau li cas?**

Qhov ntawv txhais tau tias koj lees tias cov ntaub ntawv uas muab qhia ntawd yeej muaj tseeb thiab raug zoo lawm. Qhov kos npe thiab xa daim ntawv thov mus, koj lees tias koj tus kheej ntiaj tug, koj cov ntaub ntawv, thiab cov xov xwm uas koj tau muab qhia ntawd yeej muaj tseeb lawm.

Cov Lus Nug Rau Daim Ntawv Thov

1. Qhov kev thov yuav muab sau li cas?

Koj muaj peev xwm sau koj daim ntawv thov ASP raws hauv oos lai

<https://agsupport-wa.submittable.com/submit>, los sis sau ib daim ntawv thov xa mus rau ntawm <https://dol.wa.gov/agriculture-support-program>. Daim ntawv thov uas sau thov mus mas yuav siv sij hawm txheeb xyuas ntev li 10 – 14 hnub uas yuav ntev dua qhov xa daim ntawv thov hauv koo pij tawj mus vim yog xa raws chaw xa ntawv thiab nqa mus xa.

2. Yuav tsum muaj cov ntaub ntawv dab tsi?

Koj yuav tau muab koj tus kheej thiab/los sis qhov lag luam hais qhia kom ntxaws.

A. koj tus kheej thiab/los sis qhov lag luam hais qhia kom ntxaws, suav nrog yam xws li:

- Lub Npe
- Chaw xa ntawv
- Tus Email
- Naj npawb xov tooj
- Lub npe qhov lag luam
- Tus nab npawb UBI (Unified Business Identifier, Tus Zauv Txheeb Txoj Lag Luam Sib Koom)
- Tus nab npawb tsheb thauj khoom

B. Koj yuav tau hais qhia txog cov gallons roj tsheb uas raug siv los tsim ua los sis thauj tej khoom qoob loo nyob rau xyoo 2023 los sis 2024 raws daim zwj xyoo. Ntxiv rau qhov no, koj yuav tau hais qhia hom khoom qoob loo uas koj tsim ua thiab/los sis thauj.

3. Lwm cov ntaub ntawv uas yuav tsum muaj ntxiv yog yam dab tsi?

A. Cov Neeg Ua Qoob Loo mas yuav tsum qhia **ib** ntawm cov ntaub ntawv xws li nram qab no:

- Tsev Hauj Lwm Saib Xyuas Roj Tsheb Rau Kev Ua Qoob Loo Daim Ntawv Pov Thawj Zam (Department of Ecology Fuel Exemption Certificate) ([Daim Foos ECY 070-721](#))
- Tsev Hauj Lwm Saib Xyuas Nyiaj Paj Neeg Ua Qoob Loo Daim Ntawv Pov Thawj rau Kev Yuam Khoom thiab Muag Khoom Qhov Zam Nqi Se (Department of Revenue and Farmer's Certificate for Wholesale Purchases and Sales Tax Exemption) ([Daim Foos 27 0036](#))

B. Cov Neeg Thauj Khoom Qoob Loo mas yuav tsum qhia **ib** ntawm cov ntaub ntawv xws li nram qab no:

- Tsev Hauj Lwm Saib Xyuas Roj Tsheb Rau Kev Ua Qoob Loo Daim Ntawv Pov Thawj Zam ([Daim Foos ECY 070-721](#))
- Daim Ntawv Sau Qhia (Bill of Lading) khoom qoob loo uas tsim nyog raug pab

Washington Qhov Khoos Kas Pab Txhawb Fab Kev Ua Qoob Loo FAQ

Cov Nqe Lus Nug Uas Tsim Nyog

- Ntawv Cog Lus Thauj Khoom Mus Xa qhia txog qhov thauj koom qoob loo uas tsim nyog raug pab
- 4. Tus kheej ntiag tug yuav raug lees paub raws hauv cov ntawv thov raws hauv koo pij tawj tau li cas?**
- Yuav txheeb xyuas tus kheej ntiag tug rau hauv ib ntawm ob txoj hau kev:
- A. Qhia koj tus SSN (Social Security Number, Tus Lej Xaus Saus) los sis koj Tus Kheej Individual Taxpayer Identification (Tus Zauv Txheeb Tus Them Se Raws Leej Neeg, ITIN) thiab teb tsib nqe lus nug txog koj tus kheej, **LOS SIS**
 - B. Nqa koj daim npav ID thiab yees tus kheej ib daim npav. Nqa lub xov tooj uas muaj koob yees duab.
- 5. Tus kheej ntiag tug yuav raug lees paub raws hauv cov ntawv sau thov tau li cas?**
- Koj yuav muaj koj daim ntawv thov uas raug lees paub los ntawm ib tug kws lij choj. Tus kws lij choj yuav kuaj xyuas koj tus kheej ntiag tug.
- 6. Koj yuav siv kuv tus kheej cov ntaub ntawv li cas?**
- DOL yuav siv cov ntaub ntawv los ntawm koj daim ntawv thov txhawm rau txiav txim siab tias koj puas tsim nyog rau ASP. Txoj cai lij choj ntawm lub Xeev Washington ([Tshooj 42.56 RCW](#)) tau teev tseg rau lub koom haum ntawm lub xeev yuav tsum faib lawv cov ntawv sau tseg rau cov pej xeem raws li kev thov. DOL yuav tsis tshaj tawm txog koj SSN, Tus Kheej Tus Naj Npawb Them Se (Individual Taxpayer Identification Number, ITIN), los sis cov ntaub ntawv as qhauj hauv tuam txhab nyiaj.
- 7. Yog tias kuv yog tus tsim ua qoob loo kiag tab sis kuj tau thauj qee yam koom qoob loo thiab, kuv yuav sau daim ntawv thov li cas?**
- Yog tias koj cog qoob loo thiab thauj koom qoob loo, koj muaj peev xwm hais qhia txog koj tej roj siv rau tag nrho ob hom hauj lwm ntawd rau hauv tib daim ntawv thov. Peb mam li tso ntxiv koj cov roj uas koj hais qhia ntawd rau thaum txiav txim txog cov nyiaj uas yuav them rau koj. Txhob nyias xa nyias daim thov rau ob yam no.
- 8. Cov neeg los sis cov chaw puas muaj peev xwm thov tau ntau zaus rau tib daim teb ntawm qhov yog tus siv roj ua daim teb los sis thauj koom qoob loo?**
- Tsuas pub them nyiaj tau rau ib tug neeg uas thov xwb. Qhov khoos kas ASP yuav tsis them nyiaj rau ntau daim ntawv thov uas xa tuaj ntawm tib daim teb ntawm tus neeg siv roj rau daim teb los sis thauj koom qoob loo.
- 9. Kuv puas muaj peev xwm pom kuv daim ntawv thov seb mus li cas lawm?**
- DOL yuav ceeb toom hauv email tuaj rau koj thaum peb tau txais thiab pom zoo koj daim ntawv thov lawm. Txeeb xyuas kom paub ntseeb hais tias tus email uas koj siv tau rau koj daim ntawv thov yog lawm. Tej zaum peb yuav hu tuaj nug txog ntau nqe lus nug yog tias xav tau rau thaum saib koj daim ntawv thov.

10. Yog tias kuv raug pom zoo los sis raug tsis kam lees ces kuv yuav paub tau li cas?

Peb yuav ceeb toom hauv email tuaj rau koj thaum peb pom zoo koj daim ntawv thov lawm.

Cov Nqe Lus Nug Txog Qhov Them Nyiaj

1. Kuv yuav tau txais cov nyiaj ntau npaum li cas?

Koj yuav tau txais cov nyiaj them raws li cov thoob gallons roj uas koj hais qhia txog qhov siv tsim ua qoob loo los sis thauj khoom qoob loo ntawd.

Cov Nyiaj Them	Kev Hais Qhia Txog Kev Siv Roj
\$600	Tsawg dua 1,000 gallons
\$2,300	Ntau dua los sis npaum li 1,000 gallons thiab tsawg dua 4,000 gallons
\$3,400	Ntau dua los sis npaum li 4,000 gallons thiab tsawg dua 10,000 gallons
\$4,500	Ntau dua los sis npaum li 10,000 gallons

2. Kuv yuav tau txais kuv cov nyiaj pab li cas?

Koj muaj peev xwm tau txais cov nyiaj pab los ntawm qhov tso cov nyiaj ncaj qha nkag rau hauv ib tug as qhauj hauv tuam txhab nyiaj los sis tus as qhauj credit union, los sis koj muaj peev xwm hais kom peb xa daim nyiaj tshev tuaj rau koj. Yog tias koj xaiv nyiaj tshev, ces peb mam li xa daim nyiaj tshev tuaj rau koj qhov chaw nyob uas koj muab qhia rau peb ntawd.

3. Kuv yuav tau txais kuv cov nyiaj pab thaum twg?

Kiag thaum peb pom zoo koj daim ntawv thov lawm, mam li tso nyiaj ncaj qha tuaj rau koj kom tsis pub dhau 3 lub vij. Hos cov nyiaj tshev mas yuav siv sij hawm li 10 – 14 hnub ntev dua qhov tso nyiaj ncaj qha nkag rau.

4. Yog tias kuv cov ntaub ntawv hauv tuam txhab nyiaj tsis raug yuav muaj dab tsis tshwm sim?

Yog tias koj sau koj daim ntawv thov tiav thiab xa koj daim ntawv thov thiab koj cov ntaub ntawv hauv tuam txhab nyiaj mus tsis raug lawm, ces email AGSupport@submittable.com.

5. Yog tias kuv tsis tau txais cov nyiaj them ne kuv yuav ua li cas?

Yog tias koj tau txais ib tsab email pom zoo rau koj daim ntawv thov lawm, tab sis tsis taau txais koj cov nyiaj pab rau hauv sij hawm 30 hnub, ces email AGSupport@submittable.com.

Lwm Cov Nqe Lus Nug Ntxiv

- Yog tias tau thov cov ntaub ntawv thov thiab cov ntaub ntawv them nyiaj puas yuav raug nthuav tawm raws li Txoj Cai Kev Teev Tseg Ntawm Tsoom Fwv (Public Records Act)?**

Tsim nyog. Washington txoj cai ([Tshooj 42.56 RCW](#)) yuav tsum koj cov chaw lis hauj lwm hauv xeev muab lawv cov ntaub ntawv teev tseg qhia rau tsoom fwv raws li tau thov txog. DOL yuav tsis tshaj tawm txog koj SSN, Tus Kheej Tus Nab Npawb Them Se (ITIN), los sis cov ntaub ntawv as qhauj hauv tuam txhab nyiaj.

- Kuv puas tau them se rau cov nyiaj pab no?**

Koj yuav tau sab laj nrog koj tus kheej tus kws pab tswv yim txog nqi se los txiav txim seb cov nqi se no puas cuam tshuam rau cov nyiaj pab no. Koj **yuav tsis tau** txais IRS (Internal Revenue Service, Kev Pab Cuam Nyiaj Paj Ntsig Tau Los Sab Hauv) Daim Foos 1099-G los ntawm DOL rau cov nyiaj pab no.

- Submittable yog Leej Twg?**

Submittable yog ib lub chaw thiab ib lub tuam txhab them nyiaj raaws hauv software uas nyob rau hauv Missoula, Montana uas DOL tau koom tes nrog los pab them cov nyiaj pab rau qhov khoos kas no. Tuam Txhab Nyiaj Meskas (US Bank) los kuj pab them cov nyiaj pab no thiab.

- Yog mus lus nug lwm yam ntxiv kuv yuav mus nug rau ntawm lub chaw twg?**

Yog muaj lus nug ntxiv los sis xav paub xov xwm ntau ntxiv, email AGSupport@submittable.com los sis mus saib rau ntawm <https://dol.wa.gov/agriculture-support-program>.

- Yog tias Txoj Cai Hais Txog Kev Cog Lus Saib Xyuas Huab Cua (CCA) muaj kev hloov pauv yuav tshwm sim li cas?**

DOL tsuas tso cai them nyiaj pab mus raws li qhov khoos kas ASP thaum uas CCA (Climate Commitment Act, Txoj Cai Hais Txog Kev Cog Lus Saib Xyuas Huab Cua) tseem siv tau raws li txoj cai xwb. Yog CCA raug thim, DOL yuav kaw qhov khoos kas ASP.

- Yog tias muaj lwm qhov kev pab nyiaj ntxiv, daim qub ntawv thov puas tseem siv tau yog tias kuv tsis tau txais cov nyiaj pab? Los sis puas yog kuv yuav tau thov dua?**

DOL yuav tshuaj ntsuam xyuas txhua cov nyiaj pab tshiab los ntawm Feem Saib Xyuas Txoj Cai los txiav txim siab seb cov neeg thov lawm tseem puas tsim nyog thov tau ntxiv. Peb mam li qhia rau cov neeg thov uas tos peb qhov kev txiav txim siab paub ua ntej yuav muaj qhov tshiab ntawm qhov khoos kas ASP.